



Skólanámskrá

2020-2021



II. hluti

Nám og kennsla

1. bekkur

Umsjónarkennrarar: Eydís Lúðvíksdóttir og Halla Karen Gunnarsdóttir

Efnisyfirlit

Efnisyfirlit	2
Bakgrunnsupplýsingar.....	3
Viðmiðunarstundaskrá.....	3
Íslenska.....	3
Stærðfræði.....	5
Enska	6
Samfélags- og Náttúrufræði.....	7
Upplýsinga- og tæknimennt.....	9
List- og verkgreinar	9
Heimilisfræði.....	9
Hönnun og smíði	10
Myndmennt	11
Textílmennt.....	12
Skólaíþróttir	13

Bakgrunnsupplýsingar

Í 1. bekk eru 18 nemendur, 14 strákar og 4 stúlkur. Alls fá nemendur 30 kennslustundir á viku. Umsjónakennrar eru Eydís Lúðvíksdóttir og Halla Karen Gunnarsdóttir þær kenna íslensku, stærðfræði og Art, Gunnar Andri Pétursson kennir íþróttir og ensku. Ragnheiður Dröfn Benidiktsdóttir kennir heimilisfræði og textílmennt, Sigurrós Sandra Bergvinsdóttir kennir samfélagsfræði og upplýsingatækni, Þorsteinn Hjaltason kennir náttúrufræði, Gréta Sigurðardóttir kennir myndmennt og Dagbjört Lína Kristjánsdóttir kennir smíði.

Viðmiðunarstundaskrá

Íslenska	6
Stærðfræði	6
Samfélags- og náttúrugreinar	6
Art/umsjón/val	3
Erlend tungumál - Enska	1
Upplýsinga og tæknimennt	1
Heimilisfræði	2 hálfan vetur
Myndmennt	2 hálfan vetur
Smíði	2 hálfan vetur
Íþróttir	2
Sund	1
Textílmennt	2 hálfan vetur
Samtals	30 kennslustundir

Íslenska

Kennari: Halla Karen Gunnarsdóttir og Eydís Lúðvíksdóttir

Vikustundir: 6 kennslustundir

Lestur og bókmenntir

- Þjálfa undirstöðuatriði lestrar.
- Efla lestrarfærni.
- Auka orðaforða og efli lesskilning.
- Val á lesefni eftir áhuga og þörfum og sögur lesnar, ljóð, ævintýri og fræðilegt efni, sem hæfir lestrargetu, sér til ánægju og skilnings.
- Beyta hugtökum eins og persónu, söguþræði, umhverfi og boðskapi.
- Beyta fáeinum algengum hugtökum í bragfræði svo sem rími, kvæði, vísu og ljóðlínu.
- Kynnist íslenskum rithöfundum.
- Eflast í að lesa úr táknmyndum og myndrænu efni.

Framsögn og hlustun

- Beitt skýrum og áheyrilegum framburði.
- Endursega sögu, lesa sögu og fara með ljóð fyrir aðra.

- Hlustað með athygli og horft á upplestur, leikið efni og fl. og tjáð upplifun sína.
- Geti tjáð sig með aðstoð leikrænnar tjáningar frammi fyrir hóp og staðið fyrir máli sínu.
- Átt góð samskipti, hlustað og sýnt kurteisi.

Skrift og ritun

- Þekki rétta skriftarátt og þjálfist í að draga rétt til stafs.
- Þjálfar fínþreyfingar.
- Geti samið texta frá eigin brjósti og leyft öðrum að njóta þess.
- Geti beitt einföldum stafsetningarreglum og notað tiltæk hjálpargögn við hæfi.

Málfræði

- Geti beitt töluðu máli af nokkru öryggi.
- Ræður yfir orðaforða og málkilning sem hæfir þroska.
- Þekki helstu einingar málsins sbr. bókstafur, hljóð, orð og málsgrein í tengslum við lestrarnámið.
- Geti raðað í stafrófsröð og gert sér grein fyrir notagildi þess við leit og skipulag.
- Geti greint mun á samnöfnum og sérnöfnum.
- Geti leikið sér með orð og merkingu.

Kennsluefni / kennslugögn

Markviss málörvun, Lestrarland + vinnubók 1 og 2, léttlestrarbækur og ljósrituð leshefti, foræfinga- og sögUBLÖÐ, efni af skólagef, efni af 123 skoli.is, skriftarbækur, sögubækur, úrkippubókin mín, sögubókin mín, ýmsar þjóðsögur og ævintýri, þulur, ljóð, söngvar.

1. önn: Stafainnlögn, Markviss málörvun, foræfingar, stafavinna, Lestrarlandið+ vinnubók.

2. önn: Stafainnlögn, Markviss málörvun, Lestrarlandið + vinnubók 2, stafavinna.

Kennsluhættir

Unnið er með alla þætti íslenskunnar (talað mál og hlustun, lestur og bókmenntir, ritun og málfræði) sem heildstæðast og þeir tengdir við þemu vetrarins.

Við lestrarkennslu er stuðst fyrst og fremst við hljóðaaðferðina en aðrar kennsluaðferðir fléttast þar inn í sbr. LTG. Lestrarkennsla hefst strax í upphafi skólastarfs. Einn til tveir stafir eru lagðir inn í hverri viku. Unnið er með hvern staf og hljóð hans, ásamt orðumyndum í gegnum leik ásamt því að gera hann ábreifanlegan í gegnum ýmis verkefni. Einnig er unnið með Markvissa málörvun og lestrarkennsluefnið Lestrarlandið ásamt vinnubókum. Þegar nemendur hafa náð tengingu fá þeir léttlestrarbækur við hæfi og í framhaldi þegar hæfni þeirra eykst fá þeir lestrarbækur og lesa heima daglega. Jafnframt er reynt að láta nemendur lesa daglega í skólanum. Lögð er áhersla á aukinn orðaforða og lesskilning með margvíslegum verkefnum. Nemendur læra einnig ýmsar þulur, ljóð og söngva.

Í ritun er fyrst og fremst lögð áhersla á þjálfun fínþreyfinga. Kennd eru frumatriði skriftar sbr. stafadráttur, skriftarátt, rétt grip/líkamsstelling, grunnform stafa/talna og frágangur. Nemendur æfa sig í að skrifa með mismunandi skriftaráhöldum sem hjálpar upp á fínþreyfingar. Nemendur semja eigin frásagnir með aðstoð kennara eða foreldra, einstaklingslega eða í hópum. Unnið er með þeirra eigin frásogn í skólanum t.d. út frá vettvangsferðum. Nemendur fá tækifæri til þess að tjá sig fyrir framan bekkjarfélaga, segja frá eigin reynslu, endurseggja, lesa upp eigin texta og annarra en einnig að hlusta á sögum, ljóð o.s.frv.

Þeir eru hvattir til þess að tala skýrt og áheyrilega, jafnframt er farið yfir helstu reglur sem gilda þegar margir þurfa að tjá sig í einu. Þjálfun í þessum þáttum fer fyrst og fremst fram í kennslustundum m.a. við lestar sögubóka, á bekkjarskemmtunum/árshátið sem og þegar við fáum í heimsókn áhugaverða leikhópa eða rithöfunda. Kennsla í málfræði er samofin kennslu í öðrum þáttum móðurmálsins. Kennd eru málfræðihugtök um leið og þau koma fyrir í máli og málnotkun. Kennd eru hugtök eins og bókstafur, hljóð, sérljóð/samhljóð í tengslum við aðra vinnu í lestri. Samhliða er unnið með sérnöfn, samnöfn, andheit, samheiti og samsett orð. Notuð eru öll tækifæri sem gefast til að leika með málið með rími og orðaleikjum sbr. Markvissri málörvun.

Heimanám

Nemendur lesa heima á hverjum degi í bókum af lesbóalista, sögubókin verður send heim af og til þar sem nemendur eiga að semja sögu með aðstoð foreldra fyrst í stað. Forskrift verður send heim einu sinni í mánuði.

Námsmat

Að vori eru ekki gefnar einkunnir heldur eingöngu umsögn. Byggist fyrst og fremst á umsögn um vinnu og iðjusemi, stafakönnun er lögð fyrir tvívar til þrisvar á skólaárinu, Leið til Læsis er lagt fyrir nemendur í byrjun október og Hljóðfærni fyrir nemendur sem koma slakir út úr Leið til Læsis. Lesfimipróf eru lögð fyrir í september, janúar og maí. Lesskilningur kannaður að vori.

Stærðfræði

Kennari: Eydís Lúðvíksdóttir og Halla Karen Gunnarsdóttir

Vikustundir: 6 kennslustundir

Hæfniviðmið

- Að geta spurt og svarað með stærðfræði
- Að kunna að fara með tungumál og verkfræði stærðfræðinnar
- Vinnubrögð og beiting stærðfræðinnar

Tölur og reikningur

- Talnaskilningur upp í 20 +.
- Talnalína
- Sætiskerfi, tugur, eining.
- Samlagning, frádráttur.
- Notkun mismunandi gagna við lausn verkefna.

Rúmfræði og mælingar

- Tvívíðform
- Eiginleikar og einkenni forma/hluta
- Hnitakerfi
- Mynstursgerð
- Samanburður með óstöðluðum mælieiningum.

- Tími: hugtök tengt tímasetningum, klukka

Tölfræði og líkindi

- Greining, flokkun, pörun.

Kennsluefni / kennslugögn

Sproti 1a og 1b ásamt aukaverkefnum, vefefni tengt Sprota, Kubbar, smáhlutasafn, talnagrind, vasareiknar, reglustikur, þrautalausnir, pinnabretti, form, ýmis mælitæki, spil, námsforrit, speglar.

1. önn: Sproti 1a, nemendabók og æfingahefti.

2. önn: Sproti 1b, nemendabók og æfingahefti.

Kennsluhættir

Kennsluaðferðir verða margvíslegar sbr., með innlögn, umræðum, verklegri vinnu, æfingum, þrautalausnum, rannsóknum, tilraunum, einstaklingslega og í hópum, stöðvavinnu. Áherslan er að nemendur verði hæfari til að takast á við stærðfræðileg viðfangsefni í hinu daglega lífi. Einnig verður áhersla lögð á að nemendur komi með sín eigin reiknirit og lausnaleiðir og geti jafnframt útskýrt fyrir kennara og samnemendum sínum hvernig hann fór að og geti einnig farið aðrar leiðir til þess að finna sömu lausn.

Heimanám

Af og til verða send heim verkefni sem tengist þeirri vinnu sem fer fram í stærðfræðibókinni ásamt Sprotabókunum.

Námsmat

Að vori eru ekki gefnar einkunnir heldur eingöngu umsögn. Mat fer fram með símati, þar sem meðal annars er skoðað hvernig nemandi tekst á við verkefnið, hvernig hann notar námsgögn og hvernig hann dregur ályktun út frá lausnarferlinu. Einnig verður vinnuferill, umræður og framfarir metnar. Einföld matsblöð verða einnig lögð fyrir yfir veturinn.

Enska

Kennari: Gunnar Andri Pétursson

Vikustundir: 1 kennslustund

Hæfniviðmið

Hæfniviðmið í erlendum tungumálum skiptast í: hlustun, lesskilningur, samskipti, frásögn, ritun, menningarlæsi og námshæfni.

Hlustun

Að nemandi:

- Skilji fyrirmæli og leiðbeiningar kennara á ensku.

- Skilji efni á hljómböndum/myndböndum/geisladiskum í tengslum við viðfangsefni sem unnið er með og eru honum kunnugleg.
- Þjálfist í að vinna markvisst með orðaforða í tengslum við hlustunarefni.
- Geti lesið og skilið einfaldan texta.

Lesskilningur

Að nemandi:

- Geti fylgt ýmsum barnatextum, s.s. þulum, rími, ljóðum og rappi.

Samskipti

Að nemandi:

- Skilji félaga sína í samskiptum í kennslustundum.

Frásögn

Að nemandi:

- Geti tekið þátt í samskiptum í kennslustofu, þ.e. kynnt sig, heilsað, kvatt og þakkað fyrir sig.

Ritun

Að nemandi:

- Geti skrifað eftir fyrirmyndum skiljanlega, skipulega og viðeigandi stutta texta um kunnugleg efni.
- Þjálfist í að vinna markvisst með orðaforða í ritun.
- Þjálfist í réttri stafsetningu algengra orða sem koma fyrir í námsefni.

Kennsluefni / kennslugögn

Let's learn and play – efni frá Námsgagnastofnun og ýmist annað efni frá kennara.

Kennsluhættir

Unnið með margvísleg orð og texta á fjölbreyttan hátt þar sem áhersla er hlustun, tal, lestur og skrift.

Viðfangsefni:

Að heilsa og kveðja, tölur, litir, fót, stafrófið, líkamshlutir, fjölskyldan, árstíðir; dagar og mánuðir, veður, matur, dýr.

Heimanám

Engin heimavinna.

Námsmat

Ástundun og virkni

Samfélags- og Náttúrufræði

Kennari: Sigurrós Sandra Bergvinsdóttir og Þorsteinn Hjaltason

Vikustundir: 6 kennslustundir

Kennsluefni / kennslugögn

Halló heimur 1, lesbók og vinnubók, ásamt aukaefni frá kennara

Kennsluhættir

Samfélagsfræði fléttast saman við náttúrufræði/líffræði, ásamt því að tengjast íslensku. Lögð verður áhersla á að vinna viðfangsefnin með fjölbreytilegum kennsluháttum, sbr. einstaklingslega, í hópavinnu, gerðar tilraunir, unnið myndrænt og farið í vettvangsferðir.

Viðfangsefni

- Árstíðir
- Ljós og skuggar
- Mannslíkaminn
- Húsdýr og gæludýr
- Umferðin
- Umhverfið okkar
- Trú
- Sjálfsmyndin
- Fjölskyldan

Yfirkmarkmið námsefnisflokkssins er að

- vekja áhuga nemenda á yngsta stigi í náttúru- og samfélagsgreinum og virkja innri áhugahvöt þeirra
- efla læsi í víðu samhengi s.s. merkjalæsi, myndalæsi, kortalæsi, samfélagslæsi, samskiptalæsi og líkamstjáningu
- virkja ímyndunarafl og sköpunargáfu nemenda ásamt gagnrýnni hugsun
- þjálfa nemendur til vinna sjálfstætt og í samstarfi við aðra
- hvetja til sjálfstæðrar þekkingarleitar
- efla ritun og orðaforða nemenda
- samþætta yfirferðina við skólastarfið í heild sinni, nærumhverfið og samfélagið
- að læra í gegnum hreyfingu, leiki og þrautir, inni sem úti.

Heimanám

Engin föst heimavinna er í samfélags- og náttúrufræði en það gætu komið fyrir að beðið verður um smá aðstoð við ýmis viðfangsefni heima.

Námsmat

Ekki er gefið í einkunum að vori heldur eingöngu skriflegri umsögn. Metin verður vinna nemenda, áhugi þeirra á viðfangsefnum og samvinna.

Upplýsinga- og tæknimennt

Kennari: Sigurrós Sandra Bergvinsdóttir

Vikustundir: ein kennslustund á viku.

- Markmið að nemendur:
- gangi vel um og fylgi reglum sem gilda í tölvustofunni
- gangi vel um spjaldtölvurnar og læri að ganga frá þeim
- fylgist vel með í kennslustundum og fari eftir fyrirmælum
- þekki heitin á helstu hlutum tölvunnar s.s. tölva, skjár, lyklaborð, mús
- þekki helstu hnappa á lyklaborði
- læri að nota einföld forrit
- staðsetji fingur rétt á heimalykla
- öðlist þekkingu á grunnatriðum forritunar
- læri að vinna með ólík forrit bæði tengt ritvinnslu og forritun

Leiðir: Nemendur fara í tölvustofu þar sem kennari kynnir undirstöðuatriði í vinnuumhverfi tölvunnar, rétta líkamsbeitingu og hvernig beita eigi mús. Nemendur æfa sig í að skrá sig inn í tölvukerfi skólans, vinna í kennsluforritum, teikna myndir, skrifa texta og æfa fingrasetningu með vefnum Fingrafimi á vef Námsgagnastofnunar. Nemendur læra einnig á grunnatriði í forritun með hjálp nokkurra forrita í spjaldtölvum og á netsíðum þar sem kennar er forritun. Einig fá nemendur að kynnast fjölbreyttum mismunandi námsleikjum í gegnum Osmo og öðrum forritanlegum tækjum.

Námsefni: Ýmis verkefni frá kennara og af netinu. Forritunarforritin: Code.org, codespark, Scratch, Tynker, sprite box, box island ásamt fleiri smáforritum. Osmo - stærðfræði, stafir, pizza og co og coding jam. Fingrafimi á vef mms.is. Ásamt öðru fjölbreyttu efni.

List- og verkgreinar

Megintilgangur með námi í list- og verkgreinum í grunnskóla er að allir nemendur kynnist fjölbreyttum vinnuaðferðum það sem reynir á verkkunnáttu, sköpunarkraft, samhæfingu hugar, hjarta og handar og margar ólíkar tjáningaleiðir. Sameiginleg hæfniviðmið fyrir list- og verkgreinar fyrir lok 4. bekkjar, 7. bekkjar og við lok 10. bekkjar flokkast undir menningarlæsi.

Heimilisfræði

Kennari: Ragnheiður Dröfn Benidiktsdóttir

Vikustundir: 2 kennslustundir hálfan veturinn.

Hæfniviðmið

- Að vinna saman og að vera sjálfstæð í vinnubrögðum.
- Að nem. öðlist skilning á tengslum milli: Hollustu, heilbrigðis og hreinlætis.
- Að nem. þekki heiti eldhúsáhalda og hvernig að vinna með þau.
- Að efla áhuga nem. á samvinnu á heimilum.

Námsþættir	Viðfangsefni
Eldhúsáhöld	Hugtök, heiti og hvernig má nota.
Hreinlæti	Handþvottur, uppbvottur, borðklútar.
Nærинг og hollusta	Tannvernd, hollt og óhollt, mikilvægi þess að drekka vatn.
Matvælafræði	Fæðuhringurinn, heiti algengra fæðutegunda (ávaxta og grænmetis) viti hvaðan matvælin koma, smakki það sem unnið er með.
Annað	Umhverfið- spáum í hlutum sem hægt er að rækta á Íslandi, hvort þau séu að rækta grænmeti heima eða hvort amma og afi eða aðrir sem þau þekkja eru að rækta ávexti eða grænmeti.

Námsgögn

Heimilisfræði fyrir byrjendur auk annara hjálpargagna, s.s. myndbönd um heimilishald og tannvernd.

Námsmat

Metinn er hver tími fyrir sig, lagt er mat á virkni og frumkvæði, umgengni, hegðun, áhuga og verkefnavinnu og einkunn gefin í lok anna.

Hönnun og smíði

Kennari: Dagbjört Lína Kristjánsdóttir

Vikustundir: 2 kennslustundir hálfan veturinn.

Umhverfi

Að nemandi:

- sýni aðgæslu í umgengni við verkfæri
- sé meðvitaður um góða umgengni í smíðastofunni
- sýni skilning á mikilvægi þess að fylgja vinnureglum á vinnusvæði
- sýni vinnu annarra virðingu
- átti sig á mikilvægi þess að ganga rétt frá
- þekki algengustu bygggingaefni í umhverfi sínu
- geri sér grein fyrir að náttúruauðlindir eru ekki óþrójtandi og því þurfi að fara vel með allan efnivið
- þekki rafknúin tæki í umhverfi sínu

Handverk

Að nemandi:

- þekki og geti notað grunnverkfærin hamra, sagir og raspa.
- þekki mun á finum og gráfum sandpappír og geti notað hann
- hafi notað einfaldar gerðir samsetninga, s.s. lím og nagla
- geti notað helstu mælitæki, s.s. málstokk og málband
- geti málað með vatnsleysanlegum efnum

Hönnun og tækni

Að nemandi:

- hafi unnið að hugmyndavinnu

- geti gert einfalda mynd af smíðisgrip og unnið eftir henni
- skilji framvindu vinnuferlis
- geti gert vinnulýsingu á verkefninu fyrir verkefnamöppu
- Að nemendur læri að vinna með tré.
- Að nemendur þekki helstu verkfæri og þekki nöfnin þeirra.
- Að nemendur geri sér grein fyrir hvaða verkfæri hentar fyrir viðfangsefnið.

Í smíði fær nemandinn þjálfun í að móta hugmyndir í efni með þeirri verktækni og verkþekkingu sem greinin býr yfir. Þetta verklag hvílir á sígildri kunnáttu sem mikilvægt er að hver ný kynslóð nái að tileinka sér.

Smíði felur í sér nýtingu efnisheimsins sem hefur aftur mótandi áhrif á umhverfið. Með smíðinni er verið að aðlaga umhverfið að þörfum okkar. Námsgreinin smíði er því kjörinn vettvangur til að vekja nemandann til umhugsunar um umhverfi sitt og sýna því aluð í verki. Þess vegna er brýnt að í smíði sé lögð áhersla á efnisnýtingu, vistvæna framleiðslu og endurnýtingu; hringrás efnisnotkunar.

Kennsluhættir

Í hönnun og smíði er stefnt að því að gera nemendur sjálfstæða í verki til að þroska verkfærni og verkkunnáttu. Nemendum eru kennd rétt vinnubrögð frá upphafi og rétt umgengni við vinnusvæði og verkfæri þar sem öryggi þeirra og annarra í smíðastofunni skiptir miklu máli. Þema vetrarins er endurnýting og er því stefnt að því að gera nemendur meðvitari um umhverfi sitt ásamt því að þeir læri að nýta efnisheiminn. Nemendum eru studdir í því að setja sér raunhæf markmið og hjálpað að gera sér grein fyrir framförum. Náminu er ætlað að þroska skipulags-hæfileika nemenda og þurfa þeir að öðlast skilning á því hvernig verk er brotið upp í verkþætti. Námsmatið er einstaklingsmiðað og leitast við að koma til móts við áhugasvið hvers og eins nemanda þegar verkefni eru valin. Markmið hönnunar og smíða er að hjálpa nemendum að skynja og meta fallega hönnun, handverk, hagnýtingu tækni og að skilja uppbyggingu atvinnulífsins. Nemendum fá að kynnast fornu handverki og nútíma handverki þar sem þeir gera sér grein fyrir samhengi nútíðar, fortíðar og framtíðar. Nemendum er úthlutað verkefnum sem þau vinna með og leysa eftir bestu getu.

Námsmat

Námsmatið er einstaklingsmiðað og metið er eftir hæfniviðmiðum. Kennari kynnir fyrir nemendum hvernig námsmatið mun fara fram og miðar verkefni við að hvaða hæfniviðmiðum er stefnt.

Myndmennt

Kennari: Gréta Sigurðardóttir

Vikustundir: 2 kennslustundir hálfan veturinn.

Hæfniviðmið

- Teikning, málun, úrkippur, pappaþrykk.
- Myndræn frásögn út frá nánasta umhverfi, upplifun á sögu og fleira.

- Grunnform og náttúruleg form.
- Grunnlitirnir, einfaldar litablöndur.
- Nálægð og fjarlægð í mynd.
- Myndskoðun út frá eigin verkum.
- Myndbygging.
- Frágangur verkefna og áhalda.

Kennsluefni / kennslugögn

Ýmis mynlistagögn sbr. pappír, litir, föndurefni, efni af vef, listaverkabækur o.fl.

Kennsluhættir

Aðallega verður unnið út frá sambættingu við aðrar námsgreinar en einnig verður unnið út frá þroska og þörfum hvers og eins nemanda. Ef um sérstök viðfangsefni er að ræða verður byrjað á spjalli (innlögn) um viðfangsefni tímans. Unnið er mest með einstaklingsverkefni en inn á milli verða unnin hópverkefni. Nemendum verður sýnd myndverk og bækur til glöggvunar á þeim verkefnum sem þeir vinna með. Fyrst og fremst verða unnin myndræn frásögn úr nánasta umhverfi og upplifun.

Heimanám

Ekkert heimanám er í myndmennt.

Námsmat

Vinna nemanda í tímum metin þ.e.a.s. vinnusemi, áhugi, frágangur, árangur.

Textílmennt

Kennari: Ragnheiður Dröfn Benidiktsdóttir

Vikustundir: 2 kennslustundir hálfan veturinn.

Hæfniviðmið

Að nemendur læri að meta gildi textílmennta til nytja, lista og tómstundaiðju.

Handverk, aðferðir og tækni

Að nemendur temji sér strax í upphafi sjálfstæð vinnubrögð og velji eins mikið sjálf og hægt er innan þeirra marka og aðferða sem þau eru að læra hverju sinni. Að nemendur gangi vel um og eigi góð samskipti við aðra.

Sköpun, hönnun og útfærsla

Nemandi taki þátt í umræðum um fagurfræðileg sjónarmið í einfaldri mynd, s.s. lit, lögur, glaðlegt, hlýlegt, fallegt.

Menning og umhverfi

Nemandi fjalli um mismunandi klæðnað fólks með tilliti til veðurfars, starfa og tilefna.

Kennslugögn

Uppskriftir og vinnulýsingar sem kennari býr til sjálfur auk þess sem valið er úr fagblöðum, bókum eða af

netinu.

Kennsluhættir

Miðast er við að gera nemandann, með vinnu sinni, sjálfbjarga í undirstöðuatriðum textílmennta. Að hann geti farið eftir verklýsingum og læri að vinna með þau tæki sem til þarf hverju sinni.

Verkefni

- Sauma mynd með þræðispori.
- Læra að vefa vinaband.
- Búa til dúsk.
- Búa til orm, þræða efnisbúta og perlur upp á band.
- Læra að puttaprjóna.

Þeir sem ljúka verkefnum sínum fá aukaverkefni við hæfi.

Heimanám

Ekki er gert ráð fyrir heimanámi í textílmennt.

Námsmat

Námsmat: Áhugi, vinnusemi, vandvirkni og hegðun metin með símati eftir hvern tíma. Umsögn gefin í lokin.

Skólaíþróttir

Kennari: Gunnar Andri Pétursson

Vikustundir: 3 kennslustundir á viku.

Hæfniviðmið

Íþróttir

- Að efla líkamsþroska og auka þrek.
- Að vekja áhuga á reglubundinni íþróttaiðkun og líkamsrækt.
- Að efla félags- og tilfinningaþroska.
- Að auka sjálfstraust og viljastyrk og efla samvinnu.

Sund

- Að nemendur fái markvissa sundkennslu og verði færir um að bjarga sér og öðrum.
- Að nemendur skilji mikilvægi reglubundinnar sundiðkunar og geti nýtt sér sundið sem heilsu- og líkamsrækt er fram líða stundir.
- Að ná sundstigi hvers árgangs.
- Að auka áhuga á sundi sem íþrótt.

Kennsluefni / kennslugögн

Boltar og áhöld í íþróttahúsi og sundlaug. Ýmis hefti um íþróttir og skólasund til að styðjast við í kennslu.

Kennsluhættir

Nemendur taka þátt í æfingum, leikjum og þrautum (með eða án áhalda og tónlistar). Þeir fá þannig tækifæri til að: efla og reyna á samspil skynfæranna; þjálfa grunnhreyfingar; efla hraða, þol, kraft, viðbragð, líkamsreisn og líkamsstöðu. Auk þess eiga íþróttir að veita nemendum: útrás fyrir hreyfibörf; tækifæri til skapandi hreyfinga og tækifæri til að öðlast öryggistilfinningu í vatni. Með þátttöku í hópleikjum og annari samvinnu fá nemendur tækifæri til að efla félagsproska. Til að öryggisreglum sé fylgt, þannig að allir geta haft gaman af, þurfa nemendur að læra að umgangast íþróttahús, áhöld og tæki á öruggan hátt og læra að bregðast við fyrirmælum og merkjum kennara.

Kennsluáætlun

1. önn skipt í tvö tímabil

1. Sund

Íþróttir: Úti/inni tímar eftir veðri

2. Leikfimi

Leikir, stöðvaþjálfun, innibandý, hnit, fótbolti, fimleikar, blak, skólahreysti, frjálsar íþróttir, handbolti, körfubolti.

2. önn skipt í tvö tímabil

1. Leikfimi

Leikir, stöðvaþjálfun, innibandý, hnit, fótbolti, fimleikar, blak, skólahreysti, frjálsar íþróttir, handbolti, körfubolti.

2. Sund:

Íþróttir: Úti/inni tímar eftir veðri

Námsmat

Prófa- og kennaramat. Í íþróttum er metin færni, áhugi og ástundun. Gefin er umsögn í janúar og umsögn í maí. Stuðst er við hæfnivíðmið við lok 4. bekkjar Kennaramat felst í umsögnum um nám og vinnubrögð nemenda og er það hluti af símati skólans.